

INUIT ATAQATIGIIT

INATSISARTUNI



UKA16/109

Aqqaluaq B. Egede

Nunatsinni inuussutissanik nioqqutissiornermik inuussutissarsiortunut tunngasuni, tassani ingammik inuussutissanik avammut niuerutigineqartuni pissutsinut tunngasuni, ilinniartitaanikkut neqeroorutinik amerlanerusunik ineriartortitsinissaq pillugu Naalakkersuisut UKA 17-mut nassuiaasiornissamik peqquneqarnissaannik Inatsisartuni aalajangiiffigisassatut siunnersuut.

(Inatsisartunut ilaasortaq Sara Olsvig, Inuit Ataqatigiit)

Nunatta avataanut inuussutissanik allanillu niueruteqarneq, aamma ilinniartitaanikkut niuernerup periarfissaalluartilernissaa immikkut soqutiginaateqarpoq. Nunatta nunarsuarmioqataasutut siunissami niuernikkut periarfissagissaarnissaa, kiisalu nunat allat aamma Kalaallit Nunaannik pingaartitsillutillu pisariaqartitsinerulernissaat anguniagassaavoq. Taamaammat Inuit Ataqatigiit siunnersuut isumaqatigilluinnarparput.

Pingaaqaaq suliassanut suugaluartunut aamma suliffeqarfiit ingerlannerinut, nunatta ingerlaasianut siuarsarneranullu sapinngisaaq tamaat nunaqavissut pissutsinik ingerlaatsimillu ilisimasaqartuunissaat. Ilisimasat nuernikkut aqutsinikkullu nalitunerpaamik tunngaviliisuusartoq naluneqanngilaq. Pisussaaffigaarpullu nunatsinni namminersornerup siuarsarnissaani aamma nunatta inuisa ilinniartitaanikkut, suleqataanikkut akisussaaffimmillu tigusiartuaarnikkut tamakkiisunngortikkiartuaarnissaa.

Siunnersuut soqutiginarpoq takisuuliorfiginagu Inuit Ataqatigiinniit Inatsisartut ilinniartitaanermut ataatsimiititaliaanni suliarineqartussanngortinnissaa inassutigarpur. Neriulluta taperserreqarluni ataatsimiititaliami suliarineqarsinnaajumaartoq.